
GREAT

Flipbook

GREAT PROJECT TOOLKIT



Flipbooks Printing Guidance

Paper Sizing

The "GROWING UP GREAT flipbook for girls" and the "GROWING UP GREAT flipbook for boys" are created for Standard JIS B4 (10.12 x 14.33") paper size and include a standard crop and bleed line. Scaled down and printed at Actual Size, the Flipbook will print on Standard Letter (8.5 x 11") without the guiding crop lines.


Printing Instructions

The flipbooks are print-ready. The pages are intended to be printed double-sided in this order. This way, the story-teller can show an illustration while reading the corresponding story text on the reverse side. The flipbooks are designed to be spiral bound across the top of each page.



USAID
FROM THE AMERICAN PEOPLE





USAID
FROM THE AMERICAN PEOPLE






Illustration & Design:





DONGO OTEKA! Buk pi awobe




Ngec me buk man wiye-wiye pi lutit lok aboka

Acaki me tegi me ditto, ikine ka mwaka apar (10) me oo i aparangwen (14), obedo kare me aloka loka ikom ki i adam. Bulu ma tino kare mukene gi bedo ki anywena wic ma omyero no gunong tam me tiro wic ki kony ki bot ludito ma gene. Lunyodo , waci ki neri, lutino gi madongo ki lutela calo pe dul mogo i gang kwan ki lupwonye, gitye ki tic ma pire tek me tiro bulu matino me dongo ma kom gi yot dok ma pi gi tek. Lok aboka macalo magi tye pi konyo ludito ma gene me lok ki bulu matino ikom ngo matime ikare me aloka loka me kom, moko tam ma giromo keme kwede ki kit ma omyero gubed kwede ikin lwak man ma pire tek. Lok aboka magi tye ikom tam ma nero miyo it awobi I wang-oo, ma tekwaro mo ma pire tek adada.

Jami ma labok lok ma I buk man omyero olubi

1. Buk cal man kiyubu tutwale me tic ki dul pa lutino awobe me mwaka kine ka apar (10) ki aparangwen (14). Kiromo kwano ne bot dul pa awobe ki anyira ma mwaka gi rom meno. Man konyo anyira ki awobe me bedo ki ngec dok ilo malo rwom me niang ki woro ikin gi.
2. Buk man kiromo tic kwede kamo keken, ikine dule (clubs) me gang kwan, dul ma ite dini, Kacoke pa lwak, onyo ki gang.
3. Lok aboka macego tye iye adek. Lok aboka acel-cel omyero ote ikine dakika py-eradek (30). Latit lok aboka man romo boko lok acel nyo makato acel i dul aceli.
4. Ladit mo keken nyo bulu madongo mo keken kijolo me bino ka bedo labok lok man. Coc man Kicoyo mayot adada pi ladit mo keken maparo pi buli ma lutino me kwano ne it gi.
5. Buk man labok lok romo mako ne icing, keto ne i ngom onyo i wi meca. Inyim pot karatac ki acel-acel tye cal ma omyero kinyut it lotino madong gucako tegi. Inge pot karatac tye coc ma latit lok aboka man omyero okwan. En coc meno tye iye lapeny ma ki romo penyo ki dul magi.
6. Cak ki nyutu cal bot bulu magi ma tye ka tegi ki penyo gi me waco ki tito ngo ma kitye kaneno ne.
7. Mite ni lok aboka man kibok calo kitye ka tito goga, wa ki kit dwon ki tic matye pa ngat acel-acel ma iye. Labok lok romo yero me kwano lok ki lapeny meno kit ma kicoyo kwede, nyo romo medo ilok meno ngec ki lapeny ma en tye kwede ma ikin gang. Labol me kin gang ikom apoka poka matye ikin awobe ki anyira romo konyo wek gi lwod lok i cwiny gi ka ginyamo.
8. Lapeny ki lagam i kom aloka-loka dul kom lutino malube ki tegi tye inge bukcal man. Dul lapeny ki lagam meno romo konyi me gamo lapeny ma lotino ma gitye kadonyo itegi giromo penyi.





Man cal pa anyaka ma kilwongo ni Esther ki awobi ma nyinge Okidi. Okidi tye larem Esther I gang kwan. Ma cok-coki, gudugu cen ikin lwak man ma pi ki tek ni-aa ki i camp.

Okidi mwaka ne tye aparadek (13). Nino duc, en aa malo con me ceto ka pur i poto mapeya oceto I gang kwan. Ka odugu ki i gang kwan, Okidi konyo timo tic ma gang. En maro tuku odilo ki lureme.


Cawa ma Okidi maro loyo aye cawa me wang-oo, kama en winyo iye lok aboka ma ludito boko. En tye ki awaka madit tutwal me ngeyo lok mapol ma kiboko ikom tekwaro ne.

Lapeny pi dul dano:

- Tic ango mapigi tegu ma imaro timo ne kacel ki lupaco ni, calo pur, icawa me wang-oo onyo myel?




Boko lok me acel 1





Boko lok me acel 1

Bedo ma piri tek nino ducu



Kadong odongo, lupaco pa Okidi mito ni en omyero onyom dako, obed ki lotino dok ogwok paco ne maber. Okidi mito bedo lapwony. Okidi tamo ni anyim me twero bedo maber kace ewinyo lok pa lunyodo ne dok etiyo matek.

Lamin Okidi mwaka ne aparacel (11). Cawa mukene Okidi tamo kace en bene binongo gin ma en mito I anyim. Ikare ma pud gin tino, Okidi gin ki lamine gutimo jami cok marom. Gu bedo I gang kwan, gutimo tic ma gang ki gutuku kacel. Pol kare nongo ginyero dok gibedo kacel. Ento kom kare ni, lamine tye ki tic mapol gang ento en pud itye ki cawa me tuku ki kwan bene.


Okidi maro lamine. Mito ni ekonye wek otim maber i gang kwan wek gin weng anyim gi obed maber. Ento en lworo ngo ma lureme romo waco ne. Nen calo tye kicika mo ma penen ma pokon kin en ki lamine ma gengo en konyo lamine.

Kicika ma pen en, ento tye. Okidi winyo gin man. Okidi tamo ni “Kace aturu kicika man pi konyo lamera, kibinena calo laco ka adongo?”

Lapeny pi dul dano:

- Kit tic gang ango mapol kare itimo?
- Tic pi anyira ki awobe rom nyo pat?
- Itamo ni man opore? Pingo?





Okidi neno ni tic mapol tutwal ma lamine tye kwede ni weke cawa manok tutwal me timo tic me gang kwan. En winyo ni rac tutwal it anyira me wot I dye wor. Okidi mito bedo omega ma pire tek. Pi meno, I otyeno meno, Okidi otwomo pii it lamine. Me acel, Okidi owaco ki wone. “Baba, amito ni atwom pii otyeno matin. Man bi gwoko lamera, doki mine kare me kwano bukke. Wan weng lutino me pac o kany.” Wone oye.

Okidi piko pii i jerrican ki I wang tangi. Kadi bed jerrycan magi pek, Okidi tek otingo gi labongo pii ony. Iyoo me dok gang, awobe mukene otomo nyware. Awobi acel onyero. Mukene owaci” in Okidi, in dong idiko latin anyaka?” Okidi ogamo ni “Nen ki ma atek kwede!”

Okidi olwodo ikom lok pa luwote. Ento ikare ma oo gang, mine ki lamine gin nen I gi yom adada. I dye wor meno, onongo tye pat ki majwir. Gin mo I cwin ye nongo tye matek adada.






Inino mukene, ikare ma Okidi odwogo cen ki katuku odilo, oneno ni lamine tye kayele ki tic gang kwan. Ci ocung me konye. Oceto I ot ci owaco ki lunyodo ne ni en emitio ni lamine otyek kwan. Ocikke me konye ki tic gang kwan wek otyeki. Lacen i otyeno meno, onongo winyo maber loyo i cwinye. Ngo matye katime? Openye kene?

Lapeny pi dul dano:

- Iromo konyo lameru ki tic me gang wa ki tic gang kwan? Iromo timo ngo?
- Lameru obiwinyo ningin kace ikonye?





Orwone, Okidi woto me dok paco me aa ki i gang kwan ki lureme. Gi rwate ki anyaka iyo. Larem Okidi maro anyaka man.

Lareme openyo anyaka man me bedo lareme ka gi ceti kacel I kabedo ma oling mot. Anyaka ni pe ogamo lok mo keken. Awobi mukene owaco ni, "Tye kaling alinga. Tyen loke ni en miti!" Ci lareme ni oteme me diyo nyako ni me ceto kwede.


Okidi otamo ni, "Ngo ma omyero atim?"


Okidi okato anyim, ka owaco ni, "Larema, lingo pe te loke ni en oyee in. Omyero inyut woro wek ki mini woro. Meno aye ngo ma apwonya ki bot nera. Kong wungene wiye atir wun aryo weng maber. Ci en romo mari bene." Anyaka ni opwoyo Okidi ka oceto woko oyot oyot.

Larem Okidi ni owaco ni, "Okidi, inen kiti pat kom kare ni. Pe itye ki lworo dok inen ngat ma otegi. Waci wa mungi!"

Lapeny pi dul dano:

- Itamo ni teko pa Okidi ojenge ikom mung ango?
- Iromo konyo luremi pwonyo kit me woro anyira? Nining?





Okidi tiyo ki kare man me lok ki nero ne ki tung bot mine i wang-oo.


Okidi openyo ni, "Nera, man cok cokki, akonyo lamera ki twomo pii i otyeno. Kine mukene, akonye ki coco yen, ki kwano buk ne. Man dong en tye ki kare me kwano buk ne. Dok bene, pe dong nongo olo tutwal kace tye katiyo tice me gang kawan. Owaca ni an omego ma pire tek."

Kom kare ni, awinyo maber adada I cwinya. Iromo waca pingo?"

Ikare ma owinyo ngo mutime, nero ne owaco,"Ityeko dong reto kicika ma onongo pe nen, Okidi ireto kicika man ki timo gin ma ingeyo ni rwate, ma pe iparo gin ma jo mogo tamo. Ikare weng ma itimo man, inongo teko me cwiny. Atye ki awaka matek I komi!"

Okidi wuru man mada!







Okidi mito ceto ka Waco mung ne ki lureme. Ento nero ne tye kamede ki mine tam, pi meno Okidi tye ka tame me mako jami weng wek etit ki luwote lacen.

Nero Okidi waco ni “Wek atit boti lok kom mon ki coo. Iromo neno ni apoka-poka me kom tye ikin anyira ki awobe. Labole, kom pa mon ki kom pa coo tye pat pat. Apoka poka man lube ki kit ma kicweyo gi kwede.

Ento ka ineno, ibinongo ni awobe ki anyira bene gitimo tic ma pat pat dok bene giruku bongi ma pat pat. Ento apoka poka magi pe tye kit ma kicweyo gi kwede. Apoka poka magi kipwonyo wa kwede apwonya.

Mon ma gitimo gin mogo ma itamo ni pe gitwero timo ne, calo bedo ki ngom, ento pud nongo gi mon. Coo ma bene gitimo gin mogo ma itamo ni pe gitwero timo ne, calo tedo ki dunyu ot, pud bene nongo gi tye coo. Pien tic dano pwonyo apwonya, waromo loko gin ma wamito wek swo ni obed maber.





Nero Okidi omede ki lok. “Okeya, bedo awobi pat ki bedo nyako. Pe ber loyo, dok bene per rac loyo. Wan awobe ki coo watye ki peki marom aroma calo pa anyira ki mon.


I lok ada, kinywalo wa cok marom aroma. Anyira ki awobe weng gitye ki kom mayot ki wic maryek. Anyira ki awobe weng gitye ki remo wa ki cogo. Anyira ki awobe weng gitye ki gen pi anyim. Anyira ki awobe weng omyero gunong gum marom me doko jo mabeco loyo.

Man aye gin ma oweko omyero waret kicika man ma penen ni woko. Cak ki gin ma tidi, yo ma yot, calo kit ma itimo ni, dok pe igiki. Bed ki ada ikomi kekeni. Kumeno ibibedo matek dok kibiwori.”

Lapeny pi dul dano:

- Apoka poka ango matye ikin awobe ki anyira? Apoka poka man kinywalo gi kwede anywala onyo kipwonyo apwonya?
- Ibituru kicika man ma penen matye orine ikin awobe ki anyira ning? Pingo pire tek ni kitem?
- Ibi bedo ma piri tek nino ducu ning?





Nero Okidi owaco ni, “Okeya, dong ingeyo teko pa bedo ma piri tek nino duc. Wek kong bene awiny gen ma itye kwede pi anyim. Nywak gen ni man ki ludito wek wakonyi gen ni ocobe. Waca, ngo ma imito bedo i anyim?”

“Amito ni kiwora. Amito ni abed wego ma kite ber ki wego ma gange ayela peke iye. Amito bedo lapwony,” Okidi owaco kumeno.


“Okeya,” nero Okidi ogamo, “Iya yom me ngeyo ne. Eni aye kare ikwo ma omyero igo pulan, iti matek dok itim jami ma pigi tek inino weng.”

Lapeny pi dul dano:

- Kit dano anglo ma imito bedo i anyim?
- Kit tic anglo ma imito timo ne i anyim?
- Anga ma obiloko kwede ikom geni?
- Lapwony anglo ma inongo ikom lok pa Okidi?




Boko lok me 2





Boko lok me 2

Kare me tegi pire romo bedo tek




Ci odiko mo acel, Okidi ocoo ci onongo curuwal ki kabutu ne tye ma odyak. Odyak ma omake odok odok, doki ngwece petye calo ngwec lac. Wiye onywene matek. “An koma lit?” Okidi obedo ki tam nino meno olu.

Lapeny pi dul dano:

- Wutamo ni gin ango ma otime ikom Okidi?
- Ingeyo ngat mo ma gin man bene otime ikome?






I wang-oo, I otyeno meno, owaco ki nero ne ngo ma otme. Nero Okidi owaco ni, “Okeya, pe ilwor. Abiwaci lok kom gin man, ki jami weng makwako dongo. Wiya poo ni an bene akato ki iye!

Ngo ma otme boti I dye wor ma okato ni obedo “leko ni itye i mar ma oweko idyako kabutu”. Awobe ki coo pol kare lek man yelo gi kace gitye kanino. Kine mukene, icoo nongo pig komi man me coo ni tye ka kato (telo), onyo ikine mukene icoo nongo dong okato woko. Man gin mo marac peke iye dok bene pe dine.

In dong i oo ikare ma kilwongo ni “cod pa awobi”. Dong itye ka teki. Man aye kare ma komi ki adami gitye kadongo ki lokke. Kare me teki cake ikara ma pat pat bot lutino ma pat pat. Lutino awobe mukene gicako teki ki mwaka 10, mukene gi cako ki mwaka 15. Aloka loka pa kom ki wic mede me oo wa i mwaka 21. Okeya, dong icako wot mabor me doko ladit.”

Okidi nongo etye agonya!





Okidi dong winyo cwinye tek me waco ki nero ne lok mukene matye i cwinye.
“Inino ca i ot kwan, atemo gamo lapeny pa lapwony. Ento dwona cut awinyo
olokke mapat ki ma jwi, anongo calo amito ono. Nera, ngo matye katime kweda?”
Okidi openyo.

Nero ne onyero, “Omyero nongo inena i kare ma onongo pud atidi! Tyena onongo
ki yee loyo ki I ot kwan wa manongo pud luwota pe guteki! Ci in pe i par. Aloka
loka me dwon tye ikin mukene mapol ma in ibinongo.


Nyimi me coo ni bene obidoko dit. Yee obitwi i te yweti, i wang, i kori, ki calo
an, wa I kor tyeni bene. Ibidongo mabor, ingwel ki bene kwok obicwee ikomi
madwong.


Ibicako telo bene. En kany aye dong nyimi me coo cako doko tek. Telo twero time
i dye ceng onyo dye wor. Calo lek ni itye imar ma weko idyako kabutu, telo bene
diyo ne tek. Ka ikuru manok, ci rweny kene. Pe tere ni omyero kong I but ki dako
onyo I laa lac me coo. Man pe timo gin mo keken marac.

Alokoa loka me dul kom obedo gin ma time. Tye macalo lanyut ni dul komi tye
kadongo dok tye kalokke. Pe iwek le wic omaki. Bed ki awaka ikom teko ni, yot
komi ki adami!”

Lapeny pi dul dano:

- Kit aloka loka me dul kom anga ma awobe nongo ikare me teki?
- Tika dong aloka loka meno onen i komi?
- Itamo ni lek ni itye I mar onyo aloka loka me dul kom mukene te loke ni
awobi dong twero butu ki dako? Pingo?








Okidi openyo, "Nera, lurema owaca ni kom kare ni kine mukene wiya doko dit. Labole ka keti ka awobi mo petye ka lupo cike me tuku odilo i bar odilo. Nongo amito ni ayub tuku meno, kun ikare ma okato anget nongo pe atimo meno. Ingeyo nera, an onongo pe atye kumeno. Pingo atimo meno?"

Nero Okidi cuko cwinyi ni, "Bed mot. Pe ipar gin mo, ikare me aloka loka ikomi, kine mukene no iwinyo mapat. Ikine mukene inongo ni jo mukene petye ka niang in. Cwinyi romo bedo mayom i dakika ni, I dakika mukene cwinyi nongo kec. Ento bed mot, ibi ngii woko ki aloka loka man."

Lapeny pi dul dano:

- Aloka loka kiniga ango ma lutino nongo ikare me teki gi?
- Aloka loka man bene dong otime ikomi?









Nero Okidi omede, "Okeya, iromo bedo ki mar nyo miti me butu ki lotino anyira. Ento tic ikom miti ki tam meno pire tek adada, ma omyero kong iku wang ma dong idoko dit.

Wek dong awaci aloka loka ma bedo ikom anyira wek ibed ki ngec ikom anyira ki awobe. Ka ni ipor ki awobe, anyira dok aloka loka gi mukene rom, mukene pat ki pa awobe. Calo awobe, anyira bene gidongo mabor dok yee lot I te ywet gi ki I kom gi me mon. Anyira bene kwok mako gi, dok giromo bedo ki langok.

Ento pe calo awobe, anyira cak gi ki pyer gi dongo madongo dok i dwe weng, remo kati ki ikome gi me mon. kato pa remo meno cake ikine ka mwaka 9 nio 14. Remo kato I dwe weng pi nino 3-7. Kadi bed anyira giromo gamo ic/yac kace kato pa remo man ocaka, kom gi ki adam gi nongo pud pe tye atera me gamo ic/yacu. Calo awobe, mite ni omyero gudong dok kom gi oyupe I kare me teki ka gitye kayube me doko ludito."



DISCLAIMER: This page not included in the final Uganda version.



"Okidi, kombedi abipwonyi ikom kit ma lutino kiyubu kwede. Ting cingi lacuc malo ka iyeng calo kwidi matye ka wot. Man cung pi lac nyodo pa laco. Dol cingi acel calo imiyo bwun. Cingi man cung pi tong mon matye ii gi. Nwo dwon man ikora:

"Kiyubu an ikare ma kin lunyodo na orwate ka butu ci lac nyodo pa baba na (yeng cingi lacuc calo kwidi nyo lac coo) ki tong mamana (mi cingi lacam) gurwate (rib cingi) ka guyubu an."

Lac nyodo tye pig kom awobi Makati woko kace nyime ocung matek. Awobe pe kinywalo gi ki lac nyodo makicel. Awobe, lac nyodo cako yube ikom gi ikare me teki dok mede ikare me kwo gi kulu. Ka nyim awobi ocung matek ka ocwalo woko lac nyodo, romo weko anyaka yac.

Awobi romo weko anyaka yac cawa mo keken ma kin gi orwate kabutu manongo pe gutiyo ki roc bol onyo yo mukene me gengo yacu.


Bedo ki kero me weko ayaka oyac pe te loke ni in dong itye atera me butu ki nyako onyo yaco nyako. Kace dong icobo dongo, ibibedo ki kero maber loyo me bedo wego ki bedo ki paco ni.


Pi meno Okidi, wek wii opo maber adada i lok man pi anyimi. Kace itye ki mar dok wun aryo weng umoko tam wu ni kare dong oromo, limu wunu latic yot kom. Uniang dok unyam wunu lok ikom awene ma yacu omyero otine iye wek obed ki lotino. Yoo tye mapol maromo konyo laco ki daco goyo pulan maber me nywal ki weko pe ginywalo latin ma nongopud pe guyube pire. Ibitimo man pi an ki pi lupaco ni?"

Okidi oye.

DISCLAIMER: This page not included in the final Uganda version.

15





Ki tam ma nero ne omine, Okidi petye kilworo dong ikom aloka loka ma time ikom. Tye atera me nywako lok meno ki lutino luwote mukene.

Orwone ikare matye katuku odilo, Okidi neno ni omaro ne tye katime ma pat kit ma jwi tye kwede. Me kaka tuku matek, omaro ne obedo mot iteng bar. En openyo, “jal, ngo marac kwede?”

Omaro Okidi tucu ni, “Omara, gin mo otima tin i dye wor ma ocungo wiya pud woko. Aco anongo late bongo na odyak woko. Atamo ni koma nen calo lit.”

Okidi obunyu. Owaco ni, “Omara, gin ma otima ikoma aye bene tye katime ikomi. Kilwongo ni “lek ni itye imar” ma weko idyako kabutu I dyer wor. Time I kare me teki ni manongo komi ki adami tye kadongo. Man gin ma time ikom awobe, gin mo marac peke iye. An mwaka na olo dong loyo meg, pi meno, aromo waci lok meno, ki dok aloka loka mukene ma pud dok obitime. “Obong dyang ma malo lubu ma piny.”

Lapeny pi dul dano:

- Iromo konyo luremi ma gitye kanongo aloka loka ikom gi? Nining?
- Ngo ma iromo waco ki laremi ma iye pe yom ikom aloka loka matye katime ikome?
- Lok pa Okidi man omini lapwony ango?



Boko lok me 3





Boko lok me 3

Moko tam ma pire tek




Okidi woto me dok gang kacel ki lureme aryo inge tuku odilo. Lureme guneno ni Okidi yee tye i te ywete. "Aha! in dong laco. Omyero dong I ci but ki nyako mo. Ibinongo mite" okidi olwodo, "An dong laco?"

Lapeny pi dul dano:

- Bedo ki yee ikome te lokke ni Okidi dong tye laco madit? Pingo?





Otyeno meno I wang-oo, Okidi obedo I gweng malac. Mito nyutu ki go mukene ni en dong etye ka doko laco. Ento coo ma gubedo I wang-oo pe gitye ka nene maber. Okidi neno ni omyero ekob ebed i wi dul, kacel ki luwote ma mwaka ki rom.

Okidi openyo nero ne mot, “An dong adoko laco?”

Nero ne ogamo ni, “Okeya, nene kong keni keni. Inen calo an? Ku, man obedo kare ma pire tek me pwonye ki dongo. In pe itye latin matidi dok bene pud pe i dano madit. Pi meno, pud pe itye atera me butu ki dako, onyo bedo ki dako. Ojuk kwe ceto ki cet i ot pa maro ne.





Nero ne mede, “Okidi, ka idongo ma itye ka teki tam tye mapol ma omyero imoki. Angeyo ni pol kare, ibiteme me moko tam mabeco. Ma peya imoko tam mo, penye kong kekene, “Eni tam maber onyo tam ma pire tek?” Lapeny man ma yoti bikonyi yero jami maber.


Tam acel ma omyero imok wang mapol ikare ki kare I kwoni aye kace omyero iti ki tam ma luwoti miyo onyo pe me tic kwede.

Kace luremi gidiyi me butu ki nyako kun pe imito, nongo gitye katic ki twero gi i yoo marac. Kadi bed man pe weko poyo mo, miyo awano ikom dano i yoo marac. Kace gidiyi kuman, tam maber ma iromo tic kwede aye me waci gin ni in pe itye atera. ‘romoye me kwero yee.’ Tam mapire tek bibedo me niango gi pingo pud pe itye atera me butu ki nayako, ka icuk cwinyi gi bene me lwodo kong ikom tam gi bene.”

Lapeny pi dul dano:

- Ino Yot onyo kede pe yot me timo jami ma pat ki pa luremi? Pingo?
- Ngo maromo konyi me moko tam ma pire tek iri?





Okidi openyo, “Nera, angyeo ni an pe laco madit dok peya atye atera me butu ki nyako. Ento amaro anyaka mo matek ma tye i gang kwan. Leng/Munya dok ryek. Aromo nyutu ningi ki anyaka man ni amare labongo nyweno wiyo onyo wiya?”

Nero ne ogamo ni, “Oh ada! Yoo tye mapol me nyutu mar bot ngat mo. Nen kong lunyodo ni ki lureme. Imaro gi dok iparo pigi, pe kumeno? Inyutu it gi mar I yoo ma pat pat.

Ka idongo, iromo moko kit larem ango ma imito mako ki nyako. Kace nyako ma in imaro tam e bene tye marom ikomi, uromo nyutu mar ma ikin wu iyo ma pol labongo butu. Uromo coyo warage nyo lwod. Uboko mung kilok ikin wu. Uweru wer. Kace iwinyo cwinyo tamo ikom butu, tuk tuku mo me yapo wii.”

Nero pa Okidi mede, “Tika ingeyo ni pe mite ni in onyo awobi mo keken onywen wi anyaka mo, odiye me bedo lareme? Ngat mo keken pe tye ki twero me gudu nyim lawote kace lawote pe mito. Pe bene mite ni omyero idi awobi mo nyo nyako mo me butu kwede. Man weng kwayi tim gero ma pe mite.

Gero wano dano weng. Tic ki gero weko awobe rwenyo woro ki ikom gi dok pokon gi woko ikom jo mukene.

Ci dong Okidi, itamo ni dong itye atera me cako keto itic moko tam ma pi gi tek iyo me mako lurem?”

Lapeny pi dul dano:

- Itamo ni Okidi dong tye atera onyo kare ne oromo me moko tam ma pi gi tek? Pingo?
- Inyutu mar bot lupaco ni ki luremi? Ningi?
- Ngat mo romo nyutu mar bot awobi nyo anyaka ma en winye kwede labongo butu kwede? Ningi?





Okidi owaco ni, "Atye atera!"

Orwone in gang kwan, lurem Okidi guniang ni anyaka ni mare. Okidi iye yom, ento lwor. En penyo lureme, "Ci man dong atim ngo?"

Lureme gumine tam, "Cwal bot anyaka ni waraga, lwonge me bino I gang kwan kany tin i dye-wor. Ci dong iromo wace ni imare."

Okidi wiye op ikom tam ma nero ne omine. Tam maber bibedo me lwonge lok kwede i dye-ceng. Tam ma pire tek bibedo me ngene maber kon nongo gimedé ki ilo malo gen ki larem i kin gi.

Okidi otamo manok. io ocwalo warage bot anyaka ni ma waco iye ni emare dok ewore. Openye me yee en Okidi doko lareme (boyfriend), ka ocike me nyute mar iyo mapol labongo butu.

Lapeny pi dul dano:

- Itamo ni anyaka ni oyee warage ne? Pingo?
- Okidi omoko tam maber onyo tam ma pire tek?
- Tam ango ma pire tek ma iromo moko ne kace lok man tye ikomi?





Inino mo acel ma kot tye kacwee, Okidi gin ki lureme gubedo i te yat. Pe giromo tuku odilo pi kot ki daba matye i bar tuku.

Lareme mo acel owaco ni, “Omera madit odyere me wilo it wa kongo. Waromo ceto kong watemu?”


Okidi neno awobe mukene ni ma guling. Wiye op ikom tam ma nero ne omine. Tam maber bibedo me wot ki lureme, ento pe me mato kongo. Ento tam ma pire tek loyo bibedo me miyo tam ki lureme ni gi tim gin mo ma pat ma romo yomo cwinyi gi. Okidi pe ngeyo ngo ma luwote gubiwaco.

“Lurema, wan pud watino me mato kongo. Pe weko wanen calo jo madongo. Wa binen luming aye ma jo mukene obi nyero wa. Wacitu katuku kacel”.

Lureme gucwako, Okidi iye yom!

Lapeny pi dul dano:

- Okidi omoko tam maber onyo tam ma pire tek?
- Tam ango ma pire tek ma iromo moko ne kace man otime ikomi?





Nino mukene, Okidi dugu gang nongo ni lamine tye kaceto i cuk. Okidi penyo ni, "Itye kaceto kwene?" Lamine ogamo ni, "Mama omini wa cente mukene. Atye kaceto I cuk ka wilo bongo manyen".

Okidi iye pe yom pien tye ka mito wilo odilo. Iye ocako wang. Calo omego, omyero tame bene kiwiny.

Okidi olwodo ikom ngo ma omyero itim. Tam maber bibedo me penyo lamine me pokon cente meno. Meno romo cobo tele meno iyo mamwol. Ento tam ma pire tek loyo bibedo me winyo lok kitung bok lamine, nyamo ne kacel kwede ka moko lok ma opore pi gin ariyo weng. En pe tye ki it aryo ki dok acel me nono.


Okidi openyo ni, "Pingo itye kamito bongo manyen?" Lamine otite ni, "Omera, anyira ki I gang kwan ginyera pi bongo na ma otuci. Lawic maka." Okidi dong oniang. "Lamera, apwoyi matek me waca lok man. Atye kamito bene gin mo. Waromo tic ki cente ni pi wan weng? Ineno ning?" Lamine otamo manok ka owaco ni, "Waromo tero bongo na ma oyeci wek ki kwo woko ka wanongo bene odilo mo macon"

Okidi onongo ni gin ki lamine pol kare pe giloko kacel. En tye kara ki tam mogo mabeco!

Lapeny pi dul dano:

- Itamo ni Okidi omoko tam maber onyo tam ma pire tek?
- Tam ango ma pire tek ma onongo iromo moko ne kace lok man onongo otime ikomi?





“Okeya,” nero ne waco ki Okidi, “Atye ki awaka madit piri. Ibedo ka tam ikom jami ma omyero iyer ki tam ma omyero imoki. Itye kapwonye me moko tam ma pi gi tek adada.

Itye kadongo, ento peya itye laco madit. Jami pud tye mapol anyim i kwoni. In ipat ki luwoti. Bed ki niyee ikomi keni-keni. An ageni!”

“Wubedo dano ma pi gi tek. Ugene ken wu ken wu. An ageno wu!”

Lapeny pi dul dano:

- Kit ma dong iwinyo lok kom Okidi ni, ibitimo jami I yoo ma pat? Ngo?





Okidi odongo odoko ngat ma pire tek! Ki teme matek, Okidi odoko lapwony ma kiworo dok lanyut ki I kin gang.

Okidi omede ki bedo ngat ma pire tek i kwo pa lamine. En ocuku cwiny lamine me cobo kwan. Ikare ma kinyome, Okidi oloko ikara nyom pa lamine. Ikare ma en onongo lutino, Okidi otiyo dok oneno tice macalo nero cal gin ma pire tek. Kace onongo lapeny mo tye, lutino onongo gipenyo nero gi kit ma Okidi otimo ikare ma en tye kadongo.

Okidi onyome ki dako ma en nongo maro lok kwede. Gitye ki pacu ma ayela peke iye. Inge nywalo lutino ariyo (2), gumoko tam gi ni lutino 2 dong oromo. Gulimo ot yat pi niang kit me juku nongo lutino mukene.

Okidi gin ki dako ne gutero latin awobi ki anyaka gi marom. Idye-wor weng, Okidi waco ki wode ki nyare ni: In ibedo nyat ma pire tek. Bed ki niyee ikomi kekene. An atye ki niyee ikomi!"

"Wubedo dano ma pi gi tek. Ugene ken wu ken wu. An ageno wu!"



Lapeny ma ki maro penyo ki Lagam-Awobe

Tegi me doko bulu obedo gin ango?

Tegi obedo kare ma lutino pe dong gitye lutino matino dok bene pe gitye jo madongo. Ikare me tegi, dul kom mapat pat pa awobe ki anyira bedo ki aloka-aloka ma nen-kom gi dongo madito dok maboco, nyim gin tegi ka dok yee pol kare cako dongo i kabedo mukene ma ikom gi. Ikare me tegi, nyako kome lokke bedo atera me yac ka latin awobi bene lokke bedo ki kero me yaco nyako.

Ikara mene ma awobi ki anyaka gibedo ki kare man me tegi pa kom?

Tegi aye kare ma aloka-aloka nen i dul kom lutino ma nongo gitye kadongo me doko jo madito. Anyira pol kare aloka-aloka cako time ikomgi con loyo awobe. Pol anyira aloka-aloka cako nen i dul komgi ka gitye ikine ka mwaka 8-13, ki awobe cako neno aloka aloka ka gitye ikine ka mwaka 10-15. Romo bedo con onyo romo bene lacen. Ngat man tye pat manok ki lawote, pi meno, ngat acel-acel donyo i tegi ikare ne kene. Aloka-loka i tam ki kom mede ki time nioo wa ikine me mwaka 19 onyo 20.

Obedo gin ma time pi awobe ki anyira mukene me tegi con loyo luwotgi?

Kakare. Awobe mukene cako tegi con ki mwaka 10, mukene gicako tegi ki mwaka 15 kulu. Anyira mukene gicako tegi con ki mwaka 8 keken ento mukene gicako tegi wang ma gu oo mwaka 13 onyo makato. Ngat man kome yot kit ma gin tye kwede. Ento, ka anyaka pe ocako neno ruk ma en dong tye ki mwaka 16, ci en omyero ocit onen lagwok yot kom.

Telo obedo gin ango?

Telo en aye jing matek pa nyim laco malube ki ringo pa remo i lee ma i nyime. Awobe ki coo pol kare gi telo wang mapol i dye wor. Pol kare time me coo ma nyime nongo ocung matek. Man gin ma time. Awobe ki coo bene gitwero telo i dye ceng i cawa ma nongo pe gitye ka tamo ni gi bitelo, kedi bed nongo gi peke ki miti me butu. Coo ki awobe pe giromo diyo awene ma ki telo kwede. Man gin ma pol kare time i yoo me dongo pa nyim gi ikare ma nongo gitye ka dongo doko madit.



Cwer ma romo dwe ki dwe ni gin ango?

Cwer pa remo dwe kid we ni obedo kare ma kilwongo ni neno ruk, obedo gin matime ki ber pi romo ki jami mogo me kati ki ot nyodo pa anyaka onyo dako. Pol kare time pi nino maromo adek ki abiro dwe weng. Tye lanyut ni dako meno romo yac ka orwate i butu.

Nyim coo mono dite ma opore omyero obed rom mene ki ocung ning?

Nyim laco bedo dit ne onyo titi pire pe tek dok en aye pe nyutu kace loco romo yaco dako onyo lamar maber. Pi coo madongo, nyim ma tye ladyere nongo ikine maromo pore ki bor pa cingi kace i telo. Pi lutino ma gitye ka tegi, pe tye dit pa nyim mo ma ki romo tic kwede ni en aye opore onyo tye idyere pien awobe komgi tegi imwaka ki twiro mapat pat. Ikare me tegi ikine ka mwaka 10-18, nyim ki tong man-gi ruyu dongo ki tegi kede bed ni nyim gi pe juku dongo ni oo wa i imwaka 21. Pe tye tung ka mo keken ma myero okem ka ojing matek.

Lac nyodo mono ki lac pii gi romo kato ki ikom dano kacel?

Lac pii ki lac nyodo weng gikato ki i yoo acel. Ento, "lageng" mo tye calo dugola mo matidi -ki i te yoo ma lac aa ki iye me kato woko ma pe yee lac pii me kato kacel ki lac nyodo.

Lire obedo gin ango?

Lire pa coo obedo yango del ma umu wi nyim laco. Kace awobe olire. Ka awobi ki liro, gin mo peke ma omyero owek en obed ki lworo. Lire pe balo rwate i butu ki dako ikare me anyim.

Omyero ki lwok kom mo coo ning?

Lwok komi me coo kip ii ki cabun mot mot nino ducu. Ka awobe pe ki liro, myero orwan kome me coo ni mot ki olwok wiyo ni.

Nyig lacoo en aye ginango?

Nyig laco aye obedo dul kome latino ada. Lac nyodo yube ki i nyig man lacoo dok cati ikin pig kom lacoo me nyodo ma kati ki iyim laco kacel en otelo. I pig kom laco acel acel ma oton nongo tye iye nyig laco mapol ata. Ka awobi orwate i butu ki anyaka ki owoto kome me coo ma pud pe pig kome ocati, en pud romo yac. Man pien romo bedo tek me woto ne oyot oyot, ki romo bedo ni nyig kom lacoo ma odong ii ocike lac pa lacoo kato ikin pige ma time ma en pe ngeyo.



Cukcuk en aye ginango?

Cukcuk obedo kare ma awobi onyo anyaka gudu onyo tuku kikome me mon onyo coo pi nongo miti kit ma rwate i butu ni. Cukucuk oo wa i cung matek pa kom lacoo ka weko pig kome kati onyo ok mite ma loyo weng pi anyira. Pe tye yoo mo maber loyo onyo marac loyo me timo man.

Cukcuk romo kelo peko mo me yot kom?

Gin mo marac peke. Tim man pe kelo peko mo keken kadi ka ibed ki timo tere-tere. Dok bene, pe twero weko yacu mo bedo tye, nongo kwidi two jonyo onyo, two mukene cobo iye me rwate i butut. Cukucuku pe balo kero pa laco me yubu lac-nyodo onyo bedo atera pa mon. Kadi bed ni pol kare lewic mako dano me lok ikom tic man, lewic mo peke iye.

Ngo ma mite wek yacu otime?

Kadi bed ni yacu pe twero time i cawa weng ma ki rwate i butu , romo time kace jami adek magi gutime: 1) tong nyodo omyero obed tye i ocike pa dako , ocike ma tong dako kato i iye me cito i ot nyodo ka ma latin dongo ki iye; 2) lac nyodo pa laco omyero oribe ki tong dako wek okel latin; dok 3) tong nyodo ma guribbe dong me kelo latin ni omyero gumoko i kor ot nyodo pa dako.

Yacu kiromo gengo nining?

Kace laco ki dako gimito rwate i butu labongo nongo latin, giromo tic ki yoo me lagu nywal pi gengo yacu. Tye yoo mapol ma giromo tic kwede ma ikine tye iye tic ki roc bol, yat amunya me gengo nywal, yat ma kitucu atuca, nyonyo akwoya ikom mon, ki yoo mukene matye con. Lok ki latic yot kom pi nongo ngec ikom yoo matye. Kace laco ki dako gitye katic ki yoo mo keken iyoo ma atir, meno tere ni gin tye ka "gwoke" ki ikom yacu. Kace gutiyo ki roc bol medo ikom yoo mukene me lagu nywal, tere ni gitye ka "gwoke" ki ikom yacu wa ki ikom two makobo i yoo me rwate i butu calo two jonyo.